



ՀԱՅՈՑ ԵԿԵՂԵՑԻ

Մ Ա Յ Ր Ա Թ Ո Ռ

Ս. Բ. ապրիլի 20-ին, Զատիկական տոնի առթիվ, Ս. Էջմիածնի Մայր Տաճարում, հատապետության խումբ, բազմության ներկայությամբ, հանդիսավոր պատարագ մատուցվեց: Պատարագին էր Գեր. Տ. Ռուբեն եպիսկոպոսը, որը ավուր պատշաճի քարոզ կարդաց:

Պատարագին ներկա էր Վեհափառ Հայրապետը:

Զատիկական տոնի առթիվ Վեհափառ Հայրապետը բազմաթիվ շնորհավորական հեռագրեր է ստացել Տանն Կիլիկիո Վեհափառ Կաթողիկոսից, Նրուսաղեմի և Կ. Պոլսի պատրիարքներից, ՍՍՏՄ Միության տարտապահմանի թեմերի առաջնորդներից, Բարեգործական ընկերություններից և այլ անձներից:

Զատիկական տոնի առթիվ Վեհափառ Հայրապետի կողմից շնորհավորական հեռագրեր են հղվել Համայն Ռուսիո պատրիարք Ալեքսիին և Վրաց կաթողիկոս Կալիստրատին, որոնցից նույնպես ստացվել են Վեհափառ Հայրապետի անունով փոխադարձ շնորհավորական հեռագրեր:

Աղեքսանդրիայի (Նգիպտոս) Հայոց եկեղեցու հովիվ Տ. Մեսրոպ քահանա Քեօշկերյանին Վեհափառ Հայրապետը պարգևատրել է ծաղկյա փիլոնով և լանջախաչով:

միաժամանակ ավագության կողմից շնորհելով նրան:

Աղեքսանդրիայի (Նգիպտոս) Հայոց եկեղեցու հովիվ Տ. Հայկազուն քահանա Ոսկերչյանը Վեհափառ Հայրապետի կողմից պարգևատրվել է ծաղկյա փիլոնով և լանջախաչով:

Ապրիլի 10-ին Մայր Աթոռ ժամանեց Իրանա-Հնդկաստանի թեմի առաջնորդ Գեր. Տ. Վահան եպիսկոպոս Կոստանյանը, որը Վեհափառ Հայրապետին զեկուցեց իր թեմի գործերի դրության մասին:

Մայիսի 15-ին Գեր. Տ. Վահան եպիսկոպոս Կոստանյանը մեկնեց իր թեմը:

Ապրիլի 28-ին Ամենայն Հայոց Կաթողիկոսի պատվիրակությունը, բաղկացած Ա. Առաքելյանից և Ն. Մանուկյանից, մեկնեց Բեյրութ, բարերար Մ. Մարրիայի կողմից Մայր Աթոռին նվիրված տպարանի փոխադրության գործը կարգավորելու համար:

Մայիսի 1-ին Նզնիկ վարդապետ Ազնավուրյանը Ս. Գեղարդի վանքի վանահայր նշանակվելով մեկնեց իր պաշտոնատեղին: Ս. Գեղարդում ներկայումս վերանորոգվում են վանքի սենյակները: Ս. Գեղարդի վանքում հիմք է դրվելու մեղվաբուծական տընտեսություն:

ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԳԵՎՈՐԳ Զ-Ի ԶՐՈՒՅՑԸ ՏԱՍՍԻ ԹՂԹԱԿՑԻ ՇԵՏ

Մայիսի 17-ին ՏԱՍՍ-ի թղթակիցը Էջմիածնում այցելեց Ամենայն Հայոց Կաթողիկոս Գեվորգ Զ-ին:

Թղթակցի հետ ունեցած դրույցում Վեհափառ Հայրապետը հայտնեց.

«Հայաստանի կառավարությունը, ժողովուրդը և Հայ եկեղեցու կենտրոն Էջմիածինը ներկայումս պատրաստվում են դիմավորելու Հայրենիք՝ Սովետական Հայաստան դարձող հայերին:

